



ВЕЛИКОПОСТНЫЙ
СЛУЖЕБНИК

**Сборник
Сергий Филимонов
Великопостный служебник.
Службы Великого
поста. Пособие для
священнослужителей**

Текст предоставлен правообладателем

http://www.litres.ru/pages/biblio_book/?art=63701542

*Великопостный служебник. Службы Великого поста. Пособие для
священнослужителей / Св. Сергей Филимонов, сост.: Сатисъ; Санкт-
Петербург; 2009
ISBN 978-5-7868-0017-41*

Аннотация

Великопостный служебник был составлен в 1990-е годы, когда автор обучался в Санкт-Петербургской Духовной Семинарии и Академии. В течение ряда лет он «апробировался» в Академическом храме и в других храмах Санкт-Петербургской епархии. Первое издание служебника вышло в свет в 2005 году. Данное издание значительно дополнено, в него внесены необходимые изменения, учтены все замечания.

В формате PDF A4 сохранен издательский макет.

Содержание

Последование великой вечерни в сыропустную неделю и недели Великого поста	6
Чин утрени вседневной во Святую Четыредесятницу	19
Конец ознакомительного фрагмента.	27

**Великопостный служебник.
Службы Великого
поста. Пособие для
священнослужителей
Составитель Священник
Сергий Филимонов**



По благословению

Митрополита Санкт-Петербургского и Ладонжского

ВЛАДИМИРА



© Священник Сергей Филимонов, составление, 2009

© Издательство «Сатись», 2009

Последование великой вечерни в сыропустную неделю и недели Великого поста

ИЕРЕИ: Благословен Бог наш всегда, ныне и присно и во веки веков.

Чтец: Аминь. Царю Небесный... *Трисвятое, по Отче наш.*

ИЕРЕИ: Яко Твое есть Царство, и сила, и слава, Отца и Сына и Святаго Духа, ныне и присно и во веки веков.

И 9-й час по обычаю.

Затем вечерня: Благословен Бог наш...

Чтец: Аминь. *И 103-й псалом.*

ИЕРЕИ *с непокрытой головой читает светильничные молитвы:*

Молитва первая

Господи Щедрый и милостивый, Долготерпеливе и Многомилостиве, внуши молитву нашу и вонми гласу моления нашего, сотвори с нами знамение во благо: настави нас на путь Твой, еже ходити во истине Твоей; возвесели сердца наша, во еже бояться имени Твоего святого, зане велий еси Ты

и творишь чудеса, Ты еси Бог един, и несть подобен Тебе в бозех, Господи: силен в милости, и благ в крепости, во еже помогати, и утешати, и спасати вся уповающыя во имя святое Твое.

Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков. Аминь.

Молитва вторая

Господи, да не яростию Твоею обличиши нас, ниже гневом Твоим накажеши нас, но сотвори с нами по милости Твоей, Врачу и Исцелителю душ наших. Настави нас ко пристанищу хотения Твоего: просвети очи сердец наших в познание Твоея истины и даруй нам прочее настоящего дне мирное и безгрешное, и все время живота нашего, молитвами Святыя Богородицы и всех святых.

Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков. Аминь.

Молитва третья

Господи Боже наш, помяни нас грешных и непотребных раб Твоих, внемга призывати нам святое имя Твое, и не посрами нас от чаяния милости Твоея; но даруй нам, Господи, вся яже ко спасению прошения, и сподоби нас любити и бояться Тебе от всего сердца нашего, и творити во всех волю

Твою.

Яко благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва четвертая

Немолчными песнями и непрестанными славословленьми от святых Сил воспеваемый, исполни уста наша хваления Твоего, еже подати величество имени Твоему святому. И даждь нам участие и наследие со всеми боящимися Тебе истинною и хранящими заповеди Твоя, молитвами Святыя Богородицы и всех святых Твоих.

Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков. Аминь.

Молитва пятая

Господи, Господи, пречистою Твоею дланию содержи всяческая: долготерпий на всех нас и кайся о злобах наших! помяни щедроты Твоя и милость Твою, посети ны Твоею благодатию, и даждь нам избежать и прочее настоящего дне, Твоею благодатию, от различных козней лукаваго, и ненаветную жизнь соблюди благодатию Всесвятаго Твоего Духа.

Милостию и человеколюбием Единороднаго Твоего Сына, с Нимже благословен еси, со Всесвятым и Благим и Животворящим Твоим Духом, ныне и присно и во веки веков.

Аминь.

Молитва шестая

Боже Великий и Дивный, неисповедимою благостию и богатым Промыслом управляяй всяческая, и мирская нам благая даровавый, и споручивый нам обещанное Царство дарованными благими, путесотворивый нам и дне прешедшую часть от всякаго уклонитися зла. Даруй нам и прочее непорочно совершити пред святою славою Твоею, пети Тя, единого Благаго и человеколюбиваго Бога нашего.

Яко Ты еси Бог наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва седьмая

Боже Великий и Вышний, един имеяй безсмертие, во Свете живой неприступнем, всю тварь премудростию создавый, разделивый между светом и между тьмою, и солнце положивый во область дне, луну же и звезды во область ночи, сподобивый нас грешных и в настоящий час предварити Лице Твое исповеданием и вечернее Тебе славословие принести. Сам Человеколюбче, исправи молитву нашу, яко кадило пред Тобою и приими ю в воню благоухания: подаждь же нам настоящий вечер и приходящую ночь мирну; одецы ны во оружие света: избави ны от страха нощнаго и всякия вещи во тме преходящая; и даждь сон, егоже во упокоение немощи нашей даровал еси, всякаго мечтания диаволя отчужденный.

Ей, Владыко, благих Подателю, да и на ложах наших умиляющеся, поминаем в нощи имя Твое, и поучением Твоих заповедей просвещаемы, в радости душевней востанем ко славословию Твоея благодати, моления и молитвы Твоему благоутробию приносяще о своих согрешениях и всех людей Твоих, яже, молитвами Святыя Богородицы, милостию посети.

Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

ДИАКОН *или* ИЕРЕИ: Миром Господу помолимся.

Лик: Господи, помилуй.

О свышнем мире и спасении душ наших, Господу помолимся.

Лик: Господи, помилуй.

О мире всего мира, благостоянии святых Божиих Церквей и соединении всех, Господу помолимся.

Лик: Господи, помилуй.

О святем храме сем, и с верою благоговением и страхом Божиим входящих в онь, Господу помолимся.

Лик: Господи, помилуй.

О великом господине и отце нашем, Святейшем Патриарсе (*имярек*) и о господине нашем высокопреосвященнейшем митрополите *или архиепископе, или епископе (имярек)*, честнем пресвитерстве, во Христе диаконстве, о всем причте и людех, Господу помолимся.

Лик: Господи, помилуй.

О богохранимей стране нашей, властех и воинстве ея, Господу помолимся.

Лик: Господи, помилуй.

О Граде сем, *(или веси сей, или о святей обители сей)* всяком граде, стране, и верою живущих в них, Господу помолимся.

Лик: Господи, помилуй.

О благорастворении воздушных, о изобилии плодов земных и временех мирных, Господу помолимся.

Лик: Господи, помилуй.

О плавающих, путешествующих, недугующих, страждущих, плененных и о спасении их, Господу помолимся.

Лик: Господи, помилуй.

О избавитися нам от всякия скорби, гнева и нужды, Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Лик: Тебе, Господи.

ИЕРЕЙ, *возглас*: Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

Лик: Аминь. «Господи, воззвах...», *и поют стихиры по уставу.*

ДИАКОН *кадит храм по обычаю.*

ЛИК: *И ныне: Богородичен.*

ДИАКОН *отверзает Царские врата.*

Совершается вход с кадилом.

Молитва входа

Вечер, и заутра, и полудне хвалим, благословим, благодарим и молимся Тебе, Владыко всех: исправи молитву нашу, яко кадило пред Тобою, и не уклони сердец наших в словеса, или в помышления лукавствия, но избави нас от всех ловащих души наша, яко к Тебе, Господи, Господи, очи наши, и на Тя уповахом, да не посрамиши нас, Боже наш.

Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков. Аминь.

ДИАКОН *по окончании Богородична, делая крест кадилом, возглашает*: Премудрость, прости.

Лик: Свете Тихий...

ДИАКОН: Вонмем.

ИЕРЕИ: Мир всем.

ДИАКОН: Премудрость. Вонмем.

Прокимен великий, глас 8-й: «Не отврати...» чередуется со 2-м великим прокимном: «Дал еси...»

ДИАКОН: Не отврати лица Твоего от отрока Твоего, яко скорблю; скоро услыши мя; / вонми души моей, и избави ю.

Стих: Спасение Твое, Боже, да приимет мя.

Стих: Да узрят нищие, и возвеселятся.

Стих: Взыщите Бога, и жива будет душа ваша.

Царские врата закрываются

Чтец: **Сподоби, Господи ...**

В это время ИЕРЕИ и ДИАКОН снимают светлое облачение и облачаются в Великопостное (темное).

ДИАКОН, *изшед северной дверью и став на обычном месте, произносит великопостным напевом ектению:*

Исполним вечернюю молитву нашу Господеви.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Вечера всего совершенна, свята, мирна и безгрешна, у Господа просим.

Лик: Подай, Господи.

Ангела мирна, верна, наставника, хранителя душ и телес наших, у Господа просим.

Лик: Подай, Господи.

Прощения и оставления грехов и прегрешений наших, у Господа просим.

Лик: Подай, Господи.

Добрых и полезных душам нашим и мира миру, у Господа просим.

Лик: Подай, Господи.

Прочее время живота нашего в мире и покаянии скончати, у Господа просим.

Лик: Подай, Господи.

Христианския кончины живота нашего, безболезненны, непостыдны, мирны, и доброго ответа на Страшнем Судищи Христове, просим.

Лик: Подай, Господи.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Лик: Тебе, Господи.

ИЕРЕЙ, возглас: Яко благ и Человеколюбец Бог еси, и Те-

бе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

ИЕРЕИ: Мир всем.

Лик: И духови твоему.

ДИАКОН: Главы наша Господеви приклоним.

Лик: Тебе, Господи (*протяжно*).

ИЕРЕИ *читает тайно молитву главопреклонения:*

Господи Боже наш, приклони выи небеса, и сошедый на спасение рода человеческого, призри на рабы Твоя и на достояние Твое: Тебе бо Страшному и Человеколюбцу Судии Твои раби подклониша главы, своя же покориша выи, не от человек ожидающе помощи, но Твоя ожидающе милости и Твоего чающе спасения; яже сохрани на всякое время, и по настоящем вечере, и в приходящую ношь от всякаго врага, от всякаго противнаго действия диавольскаго, и от помышлений суетных и воспоминаний лукавых.

ИЕРЕИ, *возглас:* Буди держава Царствия Твоего благословена и препрославлена, Отца и Сына и Святаго Духа, ныне и присно и во веки веков.

Лик: Аминь. *Стихиры на стиховне по уставу.* «Ныне отпускаеши...»

Чтец: *Трисвятое, по Отче наш.*

ИЕРЕИ, *возглас:* Яко Твое есть Царство, и сила, и слава, Отца и Сына и Святаго Духа, ныне и присно и во веки веков.

ИЕРЕИ *выходит на амвон к Царским вратам и остается там до отпуста.*

Лик: Аминь. *Поет тропари:*

Богородице Дево, радуйся, Благодатная Марие, Господь с Тобою: благословена Ты в женах, и благословен плод чрева Твоего, яко Спаса родила еси душ наших. *(Земной поклон.)*

Слава: Крестителю Христов, всех нас помяни, да избавимся от беззаконий наших: тебе бо дадесе благодать молиться за ны. *(Земной поклон.)*

И ныне: Молите за ны, святии апостоли, святии вси, да избавимся от бед и скорбей: вас бо теплыя предстатели ко Спасу стяжахом. *(Земной поклон.)*

Под Твое благоутробие прибегаем Богородице, моления наша не презри во обстоянии, но от бед избави ны Едина Чистая, Едина Благословенная. *(Без поклона.)*

Чтец: Господи, помилуй (40); *Слава, и ныне:* «Честнейшую Херувим...» Именем Господним благослови, отче.

ИЕРЕИ: Сый благословен Христос Бог наш, всегда, ныне и присно и во веки веков.

Чтец: Аминь. Небесный Царю, верный люди укрепь, веру утверди, языки укроти, мир умири, святы́й храм сей добре сохрани; прежде отшедшыя отцы и братию нашу в селениях праведных ччини, и нас в покаянии и исповедании приими, яко Благий и Человеколюбец.

ИЕРЕИ *читает пред Царскими вратами молитву прп. Ефрема Сирина:*

Господи и Владыко живота моего, дух праздности, уныния, любоначала и празднословия не даждь ми. (*Земной поклон.*)

Дух же целомудрия, смиренномудрия, терпения и любви даруй ми, рабу Твоему. (*Земной поклон.*)

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. (*Земной поклон.*)

ИЕРЕИ: Слава Тебе, Христе Боже, упование наше, слава Тебе.

Лик: *Слава, и ныне:* Господи, помилуй (*трижды*), Благослови.

ИЕРЕИ, *отпуст дневной:*

Христос истинный Бог наш, молитвами Пречистыя Своея Матере и всех святых, помилует и спасет нас, яко Благ и

Человеколюбец.

Лик: Великого господина и отца нашего...

После этого начинается чин прощения.

ИЕРЕИ произносит слово назидания и в конце слова испрашивает у всех прощение, делая при этом земной поклон народу:

Благословите мя, отцы святии и братие и простите ми грешному, елика согреших в сей день и во вся дни живота моего: словом, делом, помышлением и всеми моими чувствы. *(Земно кланяется предстоящим людям.)*

Народ, отвечая земным поклоном: Бог простит ти, отче святей.

Затем Иерей, поцеловав икону Спасителя, лежащую на аналое посредине храма, подпускает народ под благословение.

Лик: в это время поет: «Покаяния отверзи ми двери...» и другие покаянные песнопения.

Чин утрени вседневной во Святую Четыредесятницу

Предварительно бывает полунощница с поклонами по чину постному, кроме субботы.

ИЕРЕЙ , облачившись в фелонь, открывает завесу и делает возглас: Благословен Бог наш всегда, ныне и присно и во веки веков.

Чтец: Аминь. Обычное начало. Приидите, поклонимся... (трижды). Псалмы 19-й, 20-й.

Иерей же в сие время кадит Престол и весь алтарь, и изшед во храм кадит иконы все, лики и весь храм.

Чтец: Трисвятое, по Отче наш.

ИЕРЕЙ *пред святыми Царскими вратами:*

Яко Твое есть Царство, и сила, и слава, Отца и Сына и Святаго Духа, ныне и присно и во веки веков. *И входит в алтарь южною стороною.*

Чтец: Аминь. Тропари: Спаси, Господи, люди Твоя... Слава: Вознесыйся на Крест... И ныне: Предстательство страшное...

ИЕРЕЙ *перед Престолом с кадилом:*

Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй.

Еще молимся о великом господине и отце нашем Святейшем Патриарсе (*имярек*) и о господине нашем высокопреосвященнейшем митрополите *или архиепископе, или епископе (имярек)*, и о всей во Христе братии нашей.

Лик: Господи, помилуй.

Еще молимся о богохранимей стране нашей, властех и воинстве ея.

Лик: Господи, помилуй.

Еще молимся за всю братию и за вся христианы.

Лик: Господи, помилуй.

ИЕРЕИ, *возглас:* Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь. Именем Господним благослови, отче.

ИЕРЕИ, *делая крест кадилом, возглашает:*

Слава Святей, и Единосущней, и Животворящей, и Нераздельней Троице, всегда, ныне и присно и во веки веков.

Чтец: Аминь. *Шестопсалмие.*

После трех псалмов Иерей выходит на амвон читать свещильничные утренние молитвы:

Молитва первая

Благодарим Тя, Господи Боже наш, возставившаго нас от ложей наших и вложившаго во уста наша слово хваления, еже поклоняться и призывати имя Твое святое; и молимся Твоим щедротам, яже всегда употреблял еси о нашей жизни: и ныне посли помощь Твою на предстоящия пред лицем святых славы Твоея и ожидающих от Тебе богатых милости: даждь им, со страхом и любовью всегда Тебе служащим, хвалити неисповедимую Твою благодать.

Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков. Аминь.

Молитва вторая

От нощи утренюет дух наш к Тебе, Боже наш, зане свет – повеления Твоя на земли. Правду и святыню совершати во страхе Твоем вразуми ны: Тебе бо славим, воистинну Сущаго Бога нашего. Приклони ухо Твое и услыши ны, и помяни, Господи, сущия и молящияся с нами вся по имени, и спаси я силою Твоею. Благослови люди Твоя и освяти достояние Твое. Мир миру Твоему даруй, Церквам Твоим, иереом и всем людям Твоим.

Яко благословися и прославися всечестное и великолепое имя Твое, Отца и Сына и Святаго Духа, ныне и присно и во веки веков. Аминь.

Молитва третья

От нощи утренюет дух наш к Тебе, Боже, зане свет – повеления Твоя. Научи нас, Боже, правде Твоей, заповедем Твоим и оправданием Твоим, просвети очи мыслей наших, да не когда уснем во гресех в смерть. Отжени всякий мрак от сердец наших. Даруй нам солнце правды, и ненаветну жизнь нашу соблюди печатью Святаго Твоего Духа. Исправи стопы наша на путь мира. Дажь нам видети утро и день в радости, да Тебе утренния возсылаем молитвы.

Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков. Аминь.

Молитва четвертая

Владыко Боже, Святый и Непостижимый, рекий из тьмы свету возсияти, упокойный нас в нощнем сне, и возставивый ко славословию и мольбе Твоея благодати, умоляем: от Своего Ти благоутробия, приими нас и ныне поклоняющихся Тебе и по силе благодарящих Тя, и даруй нам вся яже ко спасению прошения. Покажи ны сыны света и дне и наследники вечных Твоих благ. Помяни, Господи, во множестве щедрот Твоих и вся люди Твоя, сущия и молящияся с нами, и всю братию нашу, яже на земли, на мори, на всяком месте владычества Твоего, требующих Твоего человеколюбия и помощи, и всем подай великую Твою милость: да спасени ду-

шею же и телом всегда пребывающе, со дерзновением славим чудное и благословенное имя Твое.

Яко Бог милости, щедрот и человеколюбия еси, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва пятая

Благих Сокровище, Источниче приснотекущий, Отче Святый, Чудотворче, Всесильне и Вседержителю, вси Тебе покланяемся и Тебе молимся, Твоя милости и Твоя щедроты призывающе на помощь и заступление нашего смирения: помяни, Господи, Твоя рабы; приими всех нас утренняя моления, яко кадило пред Тобою, и да ни единого от нас неискусна сотвориши, но вся ны снабди щедротами Твоими. Помяни, Господи, бдящая и поющая во славу Твою, и Единородного Твоего Сына и Бога нашего, и Святаго Твоего Духа: буди тем помощник и заступник, приими их мольбы в пренебесный и мысленный Твой жертвенник.

Яко Ты еси Бог наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва шестая

Благодарим Тя, Господи, Боже спасений наших, яко вся твориши во благодетельство жизни нашея, да всегда к Тебе взираем Спасу и Благодетелю душ наших: яко препokoил еси нас в мимошедшее нощи число, и воздвигл еси ны от лож

наших, и поставил еси в поклонение честнаго имени Твоего. Темже молим Тя, Господи: даждь нам благодать и силу, да сподобимся пети Тебе разумно и молиться непрестанно, во страхе и трепете свое спасение соделовающе заступлением Христа Твоего. Помяни, Господи, и в нощи к Тебе вопиющая, услыши я и помилуй, и сокруши под нозе их невидимыя и борительныя враги.

Ты бо еси Царь мира и Спас душ наших, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва седьмая

Боже и Отче Господа нашего Иисуса Христа, возставивый ны от ложей наших и собравый ны в час молитвы, даждь нам благодать во отвержение уст наших, и приими наша по силе благодарения, и научи ны оправданием Твоим, зане помолитися, якоже подобает, не вемы, аще не Ты, Господи, Святым Твоим Духом наставиши ны. Темже молимся Тебе: аще что согрешихом даже до настоящего часа, словом, или делом, или помышлением, волею, или неволею, ослаби, остави, прости. Аще бо беззакония назриши, Господи, Господи, кто постоит? Яко у Тебе избавление есть: Ты еси един Святый, Помощник Державный, Защититель жизни нашея, и о Тебе пение наше всегда.

Буди держава Царствия Твоего благословена и препрославлена, Отца и Сына и Святаго Духа, ныне и присно и во

веки веков. Аминь.

Молитва восьмая

Господи Боже наш, сонное уныние отгнавый от нас и сопризваый ны званием святым, еже и в нощи воздевати руки наша и исповедатися Тебе о судьбах правды Твоея: приими мольбы наша, моления, исповедания, ночные службы и даруй нам, Боже, веру непостыдну, надежду известну, любовь нелицемерну; благослови наша входы и исходы, деяния, дела, словеса, помышления; и даждь нам постигнути в начало дне, хвалящим, поющим, благословящим Твоея неизреченныя благостыни благость.

Яко благословися всесвятое имя Твое, и прославися Царство Твое, Отца и Сына и Святаго Духа, ныне и присно и во веки веков. Аминь.

Молитва девятая

Возсияй в сердцах наших, Человеколюбче Владыко, Твоего богоразумия нетленный свет, и мысленныя наши отверзи очи во евангельских Твоих проповеданий разумение. Вложи в нас и страх блаженных Твоих заповедей, да плотския похоти вся поправше, духовное жительство пройдем, вся, яже ко благоугождению Твоему и мудрствующее, и деюще.

Ты бо еси освящение и просвещение душ и телес наших, Христе Боже, и Тебе славу возсылаем, со безначальным Твоим Отцем, и Всесвятым и Благим и Животворящим Твоим

Духом, ныне и присно и во веки веков. Аминь.

Молитва десятая

Господи, Боже наш, покаянием оставление человеком даровавший, и во образ нам познания грехов и исповедания, пророка Давида покаяние к прощению показавый! Сам Владыко, во многая ны и великая падшия согрешения, помилуй по велицей милости Твоей, и по множеству щедрот Твоих очисти беззакония наша: яко Тебе согрешихом, Господи, и безвестная и тайная сердца человеческого Ведущему, и Единому имущему власть оставлять грехи: сердце же чисто создав в нас, и Духом Владычним утвердив нас, и радость спасения Твоего сказав нам, не отрини нас от Лица Твоего: но благоволи яко Благ и Человеколюбец, даже до последнего нашего издыхания приносили Тебе жертву правды и возношение во святых Твоих жертвенниках.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.